

Эк-эцкирин хург

--

Яшкульск дундин школд сургъульчирин эк-эцкин хург болв. Энүнд цуглрсн улст сургъулин түрүн өрәлиг, ямр ик диилвртә кевәр сургъульчир чиләснә тускар школин директор ұр М. М. Чиряев келв.

Школд 12 класс бәәнә, терүнднь 290 сургъульчир орна. Теднәс 1-ч хальмг класс болн 10-ч класс сургъулин джилин түрүн өрәлиг сәәнәр төгсәв. Ут-туршдан 36 сургъульчир сән болн ончта гисн темдгтәгяр чиләв. Сулар сурч йовх сургъульчирт тасрлтан

угагяр багшир урокин хөбн дөнъ-нөкд болна. Школ им диилвр бәрлгәнл, эк-эцкирин дөнъ йир ик—гидж ұр Чиряев келв.

Хург чилснә хөбн олт-әмтн дунд цәәлгыврин көдлмш сәәнәр кедж, школин аль-бис төрт тусан күргсн эк-эцкирин комитетин ахлач ұр П. П. Иванисоваг КПСС-н райкомин болн района күцәгч комитетин Күндлгәнә грамотар ачлв.

Энүнә дарунь сургъульчир нәр-наад эк-эцкиртән үзүлв.

Т. КИЧИКОВ.